

Daim Npav QUEST Ib Ntus

(Temporary QUEST Card)

Cov ntaub ntawv tseem ceeb hais txog kev thov daim npav ib ntus kom koj tuaj yeem siv koj cov txiaj ntsig FoodShare tau.



Daim npav QUEST ib ntus yog dab tsi?

Daim npav QUEST ib ntus yog rau FoodShare cov tsev neeg uas xav tau kev nkag mus rau lawv cov txiaj ntsig tam sim ntawd thiab tos tsis tau daim npav ib txhis uas yuav xa tuaj hauv xa ntawv. Daim npav QUEST ib ntus yuav ua hauj lwm zoo li daim npav QUEST ib txhis mus txog li 30 hnuv los sis txog rau thaum tau txais thiab qhib siv daim npav tshiab.

Leej twg thiaj tuaj yeem tau txais daim npav ib ntus?

- Ib tug neeg tuav daim npav tshiab uas nyuam qhuav tau txais kev pom zoo rau cov txiaj ntsig maj ceev.
- Ib tug neeg tuav daim npav tam sim no uas nws daim npav QUEST tau puas, ploj, los sis raug nyiag lawm thiab tsis tuaj yeem tos kom txog rau thaum tau txais daim npav los hloov pauv hauv chaw xa ntawv.

Kuv yuav thov daim npav ib ntus tau li cas?

1. Sau Daim Foos Thov [Daim Npav QUEST Ib Ntus \(F-02260A\)](#) thiab xa mus rau hauv koj lub chaw hauj lwm.
2. Thaum tau xa daim foos no thiab koj nyob rau ntawm lub chaw hauj lwm, cov neeg ua hauj lwm hauv lub chaw hauj lwm yuav:
 - Txheeb xyuas koj tus kheej.
 - Txiaj txim siab seb koj qhov xwm txheej puas nyob rau qhov tsim nyog yuav tsum tau txais daim npav ib ntus.
3. Yog tias koj tsim nyog, koj yuav tau txais daim npav thaum koj nyob ntawm lub chaw hauj lwm kiag. Cov neeg ua hauj lwm hauv chaw hauj lwm yuav pab koj qhib thiab kom siv tau.

Kuv tuaj yeem siv daim npav ib ntus tau ntev npaum li cas?

Daim npav ib ntus yuav ua hauj lwm tsis tau tom qab 30 hnuv los sis tom qab qhib siv daim npav QUEST tshiab, saib seb qhov twg ua ntej ces ua qhov ntawd. Thaum tib hnuv yuav tawm daim npav ib ntus rau, lub lab npauv cia li thov daim npav QUEST tshiab rau koj kiag lawm. Nws yuav xa mus rau qhov chaw nyob raws li ntawm cov ntaub ntawv.

Puas txwv cov npav ib ntus tias muaj tsawg daim uas kuv tuaj yeem tau txais?

Muaj qhov txwv ntawm ib daim npav ib ntus rau ib kis hauv 12 lub hlis. Muaj qee qhov kev zam rau qhov txwv no. Koj tuaj yeem tau txais ntau dua ib daim npav ib ntus yog tias:

- Tsis ntev los no koj tau txais kev pom zoo rau cov txiaj ntsig maj ceev.
- Muaj qhov xwm txheej tshwm sim, xws li kev txom nyem hauv yim neeg tsis ntev los no.

FoodShare
WISCONSIN



WISCONSIN DEPARTMENT
of HEALTH SERVICES

P-03551H (12/2023)

Yog xav paub ntau ntxiv txog kev siv daim npav QUEST mus rau ntawm dhs.wisconsin.gov/foodshare/ebt.htm.